

玉

海

四十

玉海卷第八十

後儀王應麟伯厚甫

車服

鹵簿

有文事必有武備故整法物之駕嚴師兵之衛總名鹵簿唐人謂鹵櫓也甲楯之別名兵衛以甲楯居外為前導皆著之簿故曰鹵簿五禮精義曰鹵大盾也以大盾

領一部之人故言鹵簿

漢甘泉鹵簿

漢官鹵簿圖

鹵簿篇

又

見屬車

漢志甘泉在雲陽黃帝接萬靈之明庭自古祭天園
丘處本秦林光宮自文帝郊五時三歲一郊車駕必
幸雍甘泉故有甘泉鹵簿 輿服志乘輿大駕屬車

八十一乘備千乘萬騎西都行祠天郊甘泉備之官

有其注名曰甘泉鹵簿

文選注胡廣漢官制度云云

注蔡邕表志

曰國家舊章幽僻藏蔽莫之得見應劭漢官鹵簿圖

曰乘輿大駕則御鳳皇車以金根爲副

宋志宣和鹵簿記云應劭

漢鹵簿圖有騎執箠箠即笏通典同唐六典注云漢官儀鹵簿篇

西京雜記漢朝

輿駕祠甘泉汾陰備千乘萬騎太僕執轡大將軍陪

乘名爲大駕車有司馬辟惡記道靖室象車武剛九

游雲罕皮軒關戟鸞旗建華相風烏金根之名儀衛
有騎隊鼓吹黃麾騎畢罕節御馬華蓋剛鼓之制或
分八校或分十六校式道有候護駕有官 晉志孝

武總文景之資揚霓拂翳皮軒記鼓橫汾河而祠后
土登甘泉而祭昊天奉常獻儀謂之大駕車千乘而
騎萬匹揚雄所謂彊天狼之威弧張曜日之靈旄者

也 宋禮志甘泉鹵簿者道車五乘游車九乘 文選曲水

序注 在乘輿車前又有象車最在前試橋道晉江左

駕猶有之大駕漢都長安時祠天於甘泉用之都洛
陽上原陵又用之後漢祠天郊用法駕祠宗廟用小

駕小駕減損副車也

南齊禮志車服之儀率遵漢制南郊大駕北郊明堂降為法駕

袞冕之服諸祠咸用

春秋正義異義古毛詩說天子之大夫皆駕四故詩云四牡如今乘輿有大駕中

駕小駕為行之等差也其諸侯大夫士唯駕二春秋正義服虔云纓如索帛今乘輿大駕有之然則漢

魏以來大駕之馬膺有索帛是纓之遺象隋志卓彼上天宮室混成立

戈居其左上將居其右弧矢揚威羽林置陳天垂象

聖人則之軒轅以師兵為營衛至三代其儀大備漢

武上甘泉則列鹵簿車千乘騎萬匹其居前殿則植

戟懸楯以戒不虞所由來尚矣文選甘泉遺儀注

胡廣漢官制度曰天子出車駕次第謂之鹵簿長安

時出祠天於甘泉用之名曰甘泉鹵簿司馬遷傳

從上上雍注如淳曰遷時從上在鹵簿中也上林
賦鼓嚴簿注孟康曰簿鹵簿也甘泉賦迺命羣僚

歷吉日協靈辰星陳而天行詔招搖與泰陰兮伏鉤
陳使當兵屬堪輿以壁壘兮梢夔魑扶猶狂八神奔
而警蹕兮振殷璘而軍裝蚩尤之倫帶干將秉玉戚
駢羅列布魚頡而鳥旴乘輿乃登夫鳳皇兮翳華芝
駟蒼螭兮六素虬螭略蕤綏離虓慘纒帥爾陰閉雪
然陽開騰清霄而軼浮景兮夫何旗旒郅偈之旖旎
也流星旄而電燭兮咸翠蓋而鸞旗屯萬騎於中營
兮方玉車之千乘聲駢隱以陸離兮輕先疾雷以馭

遺風集禮神之囿登頌祇之堂建光耀之長旂兮昭

華覆華蓋也之威威風從從而扶轄兮鸞鳳紛其御

云云揚雄從上祠甘泉還奏賦以風時趙昭儀在屬

車豹尾中故雄盛言車騎之眾參麗之駕非所以感

動天地逆釐二神

漢大駕見上法駕

文紀奉天子法駕迎代邸注如淳曰法駕侍中驂乘

傘車郎御屬車三十六乘孝文詔曰鸞旗在前屬車在後谷永傳

朝覲法出而後駕陳兵清道而後行霍光傳昌邑

王駕法駕皮軒鸞旗叔孫通傳注應劭曰月旦出

高帝衣冠備法駕名曰游衣冠上林賦襲朝服乘

法駕建華旗鳴玉鸞

西都賦乘鸞與備法駕

西京賦大駕幸

平樂帳甲乙而襲翠被

宮曰法宮坐曰法坐服曰法服

漢大駕鹵簿儀式 法駕 法物

後紀建武十三年四月大司馬吳漢自蜀還京師益

州傳送公孫述瞽師郊廟樂器葆車輿輦於是法物

始備注法物謂大駕鹵簿儀式也時草創未暇今得

之始備 官志大僕卿掌車馬天子每出奏駕上鹵

簿用大駕則執馭侍中侍顧問應對法駕出則多識

者一人參乘

負傳國璽操斬白蛇劍

餘皆騎在乘輿車後

永元九年

八月魯公拜侍中特使陪乘十五年賜駙馬從駕

五營注案大駕鹵簿五校

在前各有鼓吹一部

文選注應劭漢官儀曰大駕鹵簿五營校尉在前名曰填衛

輿服志

見乘輿諸侯王法駕官屬傳相以下皆備

鹵簿

鴻嘉中太傅奏梁王立願令非耕祠法駕毋得出宮鮑宣乘傳去法駕禮儀志皇后親蠶

車府令設鹵簿莊子司馬彪注秋駕法駕也

儒林傳明帝行三雍之禮

備法物之駕盛清道之儀注胡廣漢制度曰天子出

有大駕法駕小駕大駕公卿奉引大將軍驂乘太僕

御屬車八十一乘法駕公不在鹵簿唯河南尹執金

吾洛陽令奉引侍中驂乘奉車郎御屬車三十六乘

小駕太僕奉駕侍御史整車騎 楊秉傳王者至尊
出入有常警蹕而行靜室而止非郊廟之事則鑾旗
不駕 齊志江淹議云後漢唯南郊備大駕自北郊
以下車駕十省其二 衛宏漢舊儀曰皇帝起居儀
宮司馬內百官所傳按籍而後出入營衛周廬晝夜
誰何殿外門屬衛尉殿內郎舍屬光祿勳黃門鉤盾
屬少府輦動則左右帷幄者稱警車駕則衛官填街
騎士塞路出殿則傳蹕止人清道建五旗丞相九卿
執兵奉引先置索清宮而後往所以重威防未然也
乘輿冠高山冠飛羽之纓幘耳赤丹素裏帶七尺斬

蛇劒履虎尾絢履

漢東京鹵簿

續官志太僕天子每出奏駕上鹵簿 輿服志輕車
洞朱輪輿大駕法駕出射聲校尉司馬吏上載以次
屬車在鹵簿中郊天黃門從官四人冠巧士冠在鹵
簿中以備宦者四星 晉志象車漢鹵簿最在前

宋志每出警蹕清道建五旗太僕奉駕條上鹵簿

漢儀

日出稱警蹕

隋禮儀志關猪車其飾如木輅重輞漫

輪蚪龍繞轂漢東京鹵簿所謂獵車者也 六典注

漢官儀鹵簿篇太常駕四馬主簿前車八乘

晉中朝大駕鹵簿 鹵簿圖

輿服志中朝大駕鹵簿先象車鼓吹一部次洛陽亭
長赤車淮陽阜車黃門前部鼓吹司南九游武剛雲
罕闕戟皮軒鸞旗建華車相風五時車高蓋左畢右
罕華蓋桐鼓金根車建青旂十二曲華蓋黃鉞車五
牛旗大輦五色立車安車建旗十二如車色闕猪耕
根車赤旗十二御輅四望衣書藥車豹尾車白豹尾
後鹵簿盡矣次輕車二十乘流蘇馬六十匹次金鉞
金鉞車駕三中道黃門後部鼓吹次戟鼓車此車輿
之制也靜室令中道式道候分左右次洛陽尉令亭

長河南掾尹簿記次司隸廷尉太常光祿衛尉太尉
司徒司空或駕一或駕三或駕駟次中護軍步兵長
水射聲翊軍越屯騎校尉驍騎游擊左右前後領軍
將軍並鹵簿左右二行鼓吹一部次領護驍騎游軍
校尉繖扇幢麾各一騎鼓吹一部七騎領護軍加大
車斧終於金顏督將此百官之儀也兵器則有大戟
楯九尺楯刀楯弓矢弩細楯由基細弩跡禽椎斧鑿
臚斧又以神弩二十張夾道騎皆持稍終於騎十隊
大戟九尺楯刀楯弓弩各一隊儀仗則有遮列騎御
麾騎馬鞭方扇鞞角金鼓信幡幢麾之屬服飾則有

朱衣絳袍黑袴褶之屬 職官志武帝每出入將軍

陳勰持白獸幡在乘輿左右鹵簿陳列齊肅

宋志晉武帝問

侍臣施頭何義

禮志元帝大興中詔左右衛及諸營依大

習儀作鴈羽仗 鄭默傳武帝出祠南郊詔使默驂

乘 夏統傳賈充欲耀以文武鹵簿命建朱旗舉幡

校分羽騎為隊軍伍肅然須臾鼓吹亂作胡葭長鳴

車乘紛錯 隋志晉鹵簿圖一卷鹵簿儀二卷齊鹵

簿儀陳鹵簿圖各一卷儀注類 唐志大駕鹵簿一卷

史記索隱按中朝鹵簿圖云雲罕駕駟

正義中朝鹵簿圖云

九旂車駕駟雲罕車駕駟

隋志唐六典注引中朝鹵簿 宋綬

云中朝江左嘗圖鹵簿

晉皇太子鹵簿

初學記張敞晉東宮舊事曰皇太子初拜有赤氍毹一石山安車一建九旗青色四馬皇太子鹵簿有黃麾大小會庭設三廂樂舞六佾

宋劉韞歷湘雍二州刺史令畫工圖鹵簿羽儀常自披翫 王僧孺遇中丞鹵簿 隋書曰晉氏鹵簿御

史輶車行中道 北史故事刺史奉辭備鹵簿

後同

南朝御史中丞建康令皆有鹵簿君臣之通稱今有張司空鹵簿圖

後魏三駕鹵簿

禮志太祖天興二年

正月乙丑

命禮官採古事制三

駕鹵簿一曰大駕設五輅建太常屬車八十一乘千
乘萬騎魚麗鴈行前驅皮軒闕戟芝蓋雲罕指南後
殿豹尾鳴葭唱上下作鼓吹軍戎大祠則設之二曰
法駕屬車三十六乘小祠則設之三曰小駕屬車十
二乘天賜二年初改大駕魚麗鴈行更爲方陳鹵簿
列步騎內外爲四重列標建旌通門四達五色車旗
各處其方 孝文太和十三年正月辛亥祀圓丘初備
大駕 太和中詔李韶監造車輅一遵古式考舊典

以制冠服百寮六宮各有差次

唐鹵簿 大駕 法駕 小駕 鹵簿圖

鹵簿令 東宮鹵簿

儀衛志唐制天子居曰衙行曰駕人君舉動必以扇
出入則撞鐘庭設樂宮道路有鹵簿鼓吹禮官百司
備物而後動大駕鹵簿天子將出大樂令設宮縣之
樂於庭侍中奏中嚴有司陳鹵簿諸衛以次陳殿庭
既外辦太僕卿執轡天子乘輿以出天子升路太僕
授轡黃門侍郎奏請發鑾駕動警蹕鼓傳音萬年令
先導次京兆牧太常卿司徒御史大夫兵部尚書皆